

Nganeay Andübaran mbajkaw ajmel monajiüt nengüy México

Nengüy México ajkuw nipilan nejiw ariejtüw mayakuw mi monajiüt nejiw. Aga arangüch kiaj apiüng ngüineay mbajkaw arangüch najiüt, Ajlüy arej ajlüy Poder Ejecutivo, Poder Legislativo atmiünd Poder Judicial. Ag Poder Legislativo Niüng anderak satiül majlüy ngua ngomajlüy aga Ley netamb andubarand andüy wüx mi iütads Mexico. ajlüyiw tiül diputados y senadores. Ajkuw diputados ajekichaw kambaj tiül ombas Congreso de la Unión atmiünd ayakaranuw wüx atüch arej neat.

Tiül noik arangüch najneaj at nej nengüy México, meawan potch ambeat noik nej. Pa maw najneaj, wüx ayaküch diputado aga iüt netamb mbajkam, marang atow nej ajlüy nipilan. Atkiay nop diputado apmajakich ato tow mi nipilan nejiw. Ajkuw aga nej mbajkaw kiaj mi nüt nej distritos electorales, netamb majlüyiw ata tow mi nipilan nejiw.

Aga Constitución Política oküiaj México apiüng ajlüy 300 distritos, cada noik noik ajiüruw nop diputado federal. Atmiünd Constitución política oküiaj meawan entidad federativa apiüng gatow diputados netamb majlüy netamb atowmiünd nej distrito electoral.

¿Kuane nej noik distrito electoral?

Ayaj noik mbajkaw kambaj ato tow tiül iüt o de noik entidad federativa, kos atkiay aldor mariejtüw ayakuw mi monajiüt nejiw ajkuw diputado aga diputado kiaj netamb majiür atow nej mi nipilan nej.

¿Kuane nej distribución electoral?

Aga yaj arang Instituto Nacional Electoral (INE) wüx mambag, pa majaw ngatow noik noik ajlüy nine kambaj tiül nadam iüt.

¿kuane ambeol?


Ambeol pa majlüy noik atotow mbajkaw nipilan atkiay metatow ajlüy kambaj atmiünd noik nej manbeat mi pochiw nejiw.

¿Neol netam aga nej distribución electoral?

Aga distribución Netamb, kos kambaj angowüch cada nüt. Kos wijkiay nipilan, atmiünd andeow nipilan, atmiünd altiül laamb apmakül pal wüx nden, konagayaj arang ngometatow mbajkaw nipilan Oküiaj distrito electoral. Meawuan netamb majaraw deam kos netamb marang atowmiünd nej nipilan tiül distrito electoral.

¿Ngün nejiw netam mendüb andüy wüx distritación?

Aga aranganuw distritos electorales netamb majiüruw atowmiünd nej nipilan monlüy tiül kambaj, tiül miün nejiw netam palamoj, netamb mendeakuw meawan ajlüyiw, netamb makiüj puw tiül nine kambaj nejiür alinoik andeakuw kos atkiay aldor majlüyiw tiül meawan teajlüy.



¿Ngow arangüch, Nganeay arangüch?

Tiül neat 2016 atmiünd 2017 aga INE aparang distritacion meawan tiül nadam kambaj, atmiünd apmarang distritación local tiül iüt Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacan, Morelos, Nuevo León, Querétaro, San Luis Potosí, Sonora, Tabasco atmiünd Yucatán. Tiül noik noik estado aparangüch noik monkanchiün kos aga INE kiaj apmajakich nguineay aparang aga distritación electoral teombas nipilan ajkuw monjiür alinoik andeakuw, ajkuw mi natanguw partidos políticos, ajkuw gobierno, ajkuw presidentes municipales meawan montang tang monajiüt o jantamiünej nipilan.

Wüx apmarang aga minajiüt nej INE niüng ajlüy nine kambaj ajiüruw alinoik andeakuw apmatünd mangüiay nguineay apiüguw akül mbajkaw tiül miün nejiw aga distrito electoral, atmiüd nguineay apmejekicheyey tiül distrital niüng ajlüyiw.

¿Jane monlüyiw tiül?

Ajlüyiw tiül ajkuw mi natan partidos políticos, ajkuw gobierno atmiünd mi monajiütads, atmiüd diputados locales, autoridades electorales y federales atmiüd nine nadam kambaj o güy jantamiünej nipilan.

¿ Ngow arangüch atmiünd nganeay arangüch aga consulta?

Maxey lajlüy foros ciudadanos, Netamb majlüy mesas informativas niüng netam majlüyiw meawün monajiüt de ajkuw nine kambaj. Tiül aga ajlüy andearak kiaj netamb

majakicheran nguineay ap kandschiemoj tiül distritos electorales atmiün apmakül leaw nop apmapiüng nganeay apkanchiümoj.

Ndoj meawan mi monajiüt nine kambaj apmujchiw majaw aga INE kuane tajawuw wüx apkanchiümoj. Wüx lajlüy aga yaj distribución electoral, aga INE apmajakich müch majaw aga kambaj jayach distribución electoral, ndoj pa marang alinom alinoik jayats distribución federal.

Pa marangüch najneaj aga consulta ajküw nine kambaj, nadam kambaj, aga INE netamb mambeol nej noik ajlüy nipilan monrang najiüt tiül Instituto Nacional de Lenguas Indígenas Naxoik (INALI), atmiünd aldor manbeol nejiw Comisión Nacional para el Desarrollo de los Pueblos Indígenas (CDI).

¿Jane apmajlüyiw tiül consulta?

Ajküw nine kambaj atmiünd nadam kambaj ajlüyiw tiül, kos amb minatangüw nejiw.

¡Netamb mingüey! Niüng ajlüyera meawan nipilan tiül México xiyay, ¡ijlüy tiül!